

# Catscha da camutschs cun enzennas da damonda

Aunc mai ei vegniu sittau tontas tscharvas sco igl atun vargau el district dalla Cadi

DA HANS HUONDER / ANR

■ **Dall'entschatta settember entochen la fin dalla catscha d'atun ei vegniu sittau ella Cadi 474 tscharvas. Aunc mai ein tontas curdadas. Il diember da cavreuls ei staus levamein pli aults ch'igl onn avon. Enzennas da damonda dat ei pertuccont ils camutschs. Igl ei vegniu sittau 15 perstchien pli pauc ch'igl onn avon, oravontut dameins bucs.** Alla fin dalla catscha seporscha alla surviglonza la pusseivladad da far bilanza e da cumparegliar il success da catscha cun quel dils onns avon. Grazia allas statisticas che vegnan menadas dapi onns san differents conclusiuns vegnir tratgas. Ina da quellas pertucca la catscha da camutschs. Alla catsch'aula il settember 2016 ein 208 tocs vegni sittai ella Cadi. Quei ein 37 pli pauc ch'igl onn avon, respectivamein in minus da 15,1 perstchien. En egl croda en special la catscha da bucs cun ina vegliadergna da dus onns e dapli. 2015 ei vegniu sittau 103 tocs, igl onn vargau 78. Il diember da cauras da dus onns e pli veglias ei perencunter restauns stabils. Aschi paucs camutschs eis ei bia onns buca pli vegniu sittau ella Cadi e quei malgrad ch'il diember da camutschs ei staus stabils ils davos onns. «Nus constatein ch'ei ha territoris cun paucs bucs. Daco che quei ei aschia savein nus buca. Ei sa dar differents motivs persuerter, tgeinins ein il mument denton buc enconuschents.



Ella Cadi ei vegniu sittau igl onn vargau in bien ton pli paucs bucs camutsch ch'ils onns avon.

FOTO E. MONN

Nus vegnin en mintga cass a tener en egl quei fenomen ils proxims onns», di *Werner Degonda* da Cumpadials, cau dalla surviglonza da catscha dalla Surselva. Relativamein buna ei la catscha da cavreuls stada. Il settember ei vegniu sittau 179 tocs, da quei diesch anseuls ils

davos dis. Plinavon ha la surviglonza aunc stuiu sittar diesch tocs cun blessuras. Sin cavreuls ha giu liug negina catscha d'atun el district dalla Cadi. Igl october ei vegniu sittau sin intschess dil district da catscha I 28 capricorns, diesch dameins ch'igl onn avon.

## Fetg bia tscharvas

Ell'entira Surselva ei vegniu sittau igl onn vargau 995 tscharvas, da quei totalmeins 474 ella Cadi. Da quei diember ein 128 vegnidas sittadas ella Cadi dils catschadurs ils sis dis dalla catscha d'atun. En quei temps han 26 stuiu ve-

gnir sittadas dalla surviglonza da catscha. Dils 164 animals feminins sittai il settember eran buca meins che 88 stiarlas. Tut en tut ei vegniu sittau ella Cadi siat tscharvas dapli ch'igl onn avon. Il diember da 474 ei in niev record. Las cundiziuns da catscha ein buca stadas optimalas il settember. «Laura ei decisiva per la catscha da tscharvas. Tier ina buna vegetaziun restan ils animals els asils. El cass ideal dat ei neiv d'uront il settember e lu dat ei moviment», di Degonda. La statistica da 2016 porchas aunc in ulteriur interessant detagl dalla catscha da tscharvas. Ell'entira Cadi ei vegniu sittau diesch tschiervs cun ina peisa sur 147 kilos. Il grev era 186 kilos. Alla catscha digl atun ein 211 catschadurs e catschadurs separticipai. Era quei ei in niev record. «Quei diember muossa ch'ils catschadurs acceptan pli e pli quella catscha ch'ei semplamein necessaria», puntuescha Degonda.

## Sils fastitgs dil luf

Igl onn vargau ha la surviglonza da catscha dalla Cadi danovamein giu biars indezis dalla preschientscha dil luf e dil luf-tscherver. Dil luf ha ei dau ogt indezis segirs ed aunc ina ga 15 probabels. Dil luf-tscherver ha ei dau 91 indezis segirs. Staus sin viseta ella Cadi ei igl onn vargau era igl uors. En in cass eis el schizun vegnius cumprovas sin fundament da fotografias d'ina autocamera. Vegnius constataus ei era il castur, numnadamein a Trun.

## «Heya, heya, tila, tila»

### 2. cuorsa Energia Alpina Nordic Cup a Sagogn

■ **(anr/abc) Sonda ein las organizaziuns da G+S dalla sparta nordica s'entupadas a Sagogn. Leu ha la secunda da quater cuorsas pigl Energia Alpina Nordic Cup giu liug. Affons e giuvenils dallas partiziuns da G+S da cuorsa liunga dalla Surselva cun lur trenaders han absolvu ina cuorsa da relaziuns fetg bunas.** «Heya, heya» han ins udiu sonda entuorn miezgi sila planira avon il vitg da Sagogn. Il Club Selva Sagogn ei staus en roda d'organisar la secunda cuorsa digl Energia Alpina Nordic Cup. 64 affons e giuvenils dallas JOs da Sedrun, Trun, Castrisch, Sagogn e Trin-Flem ein separticipai a quella. Cun buca meins che 31 affons ei la JO Sagogn la pli gronda ella sparta nordica dalla Surselva. Il plaun da Sagogn, leu nua ch'els han uss abundantamein caschun da trenar, ei staus il liug ideal per els e per tuts participonts.

La fina bialaura cun tschiel blau e neiv cun temperatura entuorn -12 grads ha fatg quitaus a negin. Igl ei stau ina stupenta sentupada amicabile denter ils giuvenils «nordics» dalla Surselva. Denter els han ins saviu engartar enqual talent. Quei ch'ei dau en egl ei con bein ch'els emprendan da tilar ils skis. Ins s'encor-scha veramein ch'els pli pigns han tschaf-fen dalla tecnica da tilar e stuschar ils skis da cuorsa liunga. Muments da tensiun ha ei puspei dau tiels differents «duels» cun sprints finals. Era ellas categorias, cunzun tiels participonts ellas categorias U10 tochen U20.

Resultats dalla 2. cuorsa digl EnergiAlpina Nordic Cup 2016/2017.

**U8 – mattatschas (annadas 2008–2011)**  
1. Dolf Janina, Selva Sagogn; 2. Decurtins Paula, Panda Trun; 3. Richter Helena, JO Trin; 4. Weishaupt Elisa, Selva Sagogn.

**U8 – buobs (2009–2011)**  
1. Weishaupt Aaron, Selva Sagogn; Schöpf Nevin, Selva Sagogn; 3. Rensch Mael, JO Castrisch.

**U10 – mattatschas (2007–2008)**  
1. Peng Ramona Joy, Selva Sagogn; 2. Maissen Lia, Panda Trun; 3. Deragisch Giulia, Sedrun Nordic; 4. Decurtins Melina, Panda Trun; 5. Gartmann Alina, Selva Sagogn; 6. Carigiet Annina, Selva Sagogn; 7. Tschuor Luzia, Selva Sagogn; 8. Cavelti Rahel, Selva Sagogn; 9. Friberg Nina, Sedrun Nordic; 10. Ernst Anna Tina, Selva Sagogn; 11. Dolf Anna Lena, Selva Sagogn; 12. Alig Samira, Panda Trun.

**U10 – buobs (2007–2008)**  
1. Gujan Andri, JO Trin; 2. Deplazes Luca, Panda Trun; 3. Scheidegger Jonas, JO Trin; 4. Monn Joel, Sedrun Nordic; 5. Richter Jakob, JO Trin; 6. Buchli Men, Selva Sagogn; 7. Schöpf Yanik, Selva Sagogn; 8. Koch Nicolas, JO Trin; 9. Pelican Roc, Panda Trun.

**U12 – mattatschas (2005–2006)**  
1. Deragisch Anna-Lea, Sedrun Nordic; 2. Obhof Zenia, JO Trin; 3. Jäger Joelle, Selva Sagogn; 4.

Gartmann Jana, Selva Sagogn; 5. Littmann Sarina, Selva Sagogn.

**U12 – buobs (2005–2006)**  
1. Friberg Matia, Sedrun Nordic; 2. Schöpf Cedric, Selva Sagogn; 3. Dahmen Jonas, JO Castrisch; 4. Deplazes Clau, Panda Trun; 5. Pelican Duri, Panda Trun; 6. Carigiet Cedric, Panda Sagogn; 7. Sossai Sandro, Panda Trun.

**U14 – mattatschas (2003–2004)**  
1. Nufer Niculina, Sedrun Nordic.

**U14 – buobs (2003–2004)**  
1. Peng Severin, Selva Sagogn; 2. Tuor Curdin, Panda Trun.

**U16 – giuvenils (2001–2002)**  
1. Tomaschett Svenia, Panda Trun; 2. Panier Vanessa, Panda Sagogn; 3. Derungs Linda, Selva Sagogn; 4. Darms Arianna, Selva Sagogn; 5. Tuor

Anna, Panda Trun.

**U16 giuvenils (2001–2002)**  
1. Nufer Cla-Ursin, Sedrun Nordic; 2. Schmid Fadi, Sedrun Nordic; 3. Telli Ursin, JO Trin; 4. Decurtins Andriu, Panda Trun; 5. Shresta Sonis, Selva Sagogn; 6. Camathias Anian, Selva Sagogn; 7. Weicht Felix, Selva Sagogn.

**U18 giuvenils (1999–2000)**  
1. Arpagaus Chiara, Selva Sagogn; 2. Kropf Lena, Panda Trun; 3. Cavelti Sina, Selva Sagogn; 4. Shresta Selina, Selva Sagogn; 5. Jäger Gianna, Selva Sagogn; 6. Darms Aurelia, Selva Sagogn.

**U18 giuvenils (1999)**  
1. Malin Noah, JO Castrisch; 2. Telli Maurus, JO Trin.

**U20 umens, 4 rundas**  
Cavelti Dario, Selva Sagogn



Ina impressiun d'in sprint final. Ils sportists pli ambizius ein parti ellas categorias U10 tochen U16. Cheu Andri Gujan da Trin encounter Luca Deplazes da Trun.

FOTO A. BEELI



Aunc resch novas ein las cartas da troccas.

MAD

## Dar troccas, dar vinavon la tradiziun

■ **Silla pagina dall'uniun Pro Sagogn hai jeu legiu ch'il 6avel turnier da troccas hagi liug a Sagogn ils 20 da schaner.** Jeu sai buca dar troccas, mo gia deditg hai jeu giu queidas d'emprerder quei giug. Fuss ei cun mirar tier in turnier ina buna motivaziun per entscheiver? Astgass jeu insumma vegnir per mirar tier?

Anzi, ins ei staus cordial beinvegnius. Ella halla, nua ch'ins ha dau troccas, hai jeu dumbrau 10 meisas cun mintgamei quater giugadurs. Denton hai jeu encurschiu negins aspectaturs. Mo tgei sa schabegiar? Jeu hai gia legiu las reglas. Suentar haver mirau tier in per giugs ed empruau da suandar quier hai jeu dau si. Ils maletgs ein vegni indentergliauter el tgau. Alla fin han ins viu mo co las cartas ein vegnidas repartidas, dadas, stuschadas. Ils puncts ein vegni dumbrai. Ed aschia pliras gadas. Savess jeu dar troccas in di?

En Surselva han ins documentau troccas per l'emprema ga igl onn 1725 si Trun en connex cul scamond «da giugar troccas per evitar caneras e scandels». Quei hai jeu intervegniu dil Forum cun *Adolf Collenberg* dils 3 da schaner 2016 «Il bagat, il da cornas e la vacca – il giug da troccas» nua ch'el raquenta dalla historia dallas troccas (www.rtr.ch). Cunquei enconusch'ins troccas e quella tradiziun ga 292 onns en Surselva.

Il turnier da troccas a Sagogn ei stau ina biala occurrenza. L'atmosfera ei stada fetg amicabile. Ins ha dau troccas ed ha gudiu la cuminonza. Leu hai jeu viu co ina dallas tradiziuns sursilvanas vegn vivida. Ussa sai jeu, sch'ins less imprend-der quei giug, stuess ins semplamein vegnir ed entscheiver a dar. Las reglas vegnan schon explicadas.

Svetlana Munderich